



Pak Kitab fuain dólla

Házir óiye

Zeñtté Allah ye hárr sis banaiyé



Lekóya: Edward Hughes
Nokcá tulóiya: Lazarus; Alastair Paterson
Borabor goróya: Sarah S.
Torjoma goróya: John Anwar
Neelaiye de óilde: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2020 Bible for Children, Inc.

Laisen: Tuáíttú e kaháni yán neelai bólla yáto kopí goribólla hók
asé, zedún fóijjonto tuñi yán oré nóo beso.

1

Añárare hone banaiyé? Allah Kalam yáni Pak Kitabe
insán ore hondila gorí banaiyé de formayé. Yar boót
age, Allah ye foóila manúic banaiyóre tar nam Adom
hoói raikké. Allah ye Adom oré mečí loibanaiyé.


Allah ye zettót tar nak báí fúu diyé, toi te
eggúa ziañta manúic ói aiccé.

Baade Allah ye taré
Edén baganot raikké.




2

Allah ye Adom oré banáibar age, Íba ye taajuppa sis loi bóijja cúndoijsa duniyái re banaiyé. Ekk'an baade ekkán Allah ye faári zaga, zoóñl, sírifare de fúl, gasgusála, fóir óla faik, fuk, fañír januwar, kulor januwar beggún banaiyé. Allah ye beggún banaiyé de hétolla beggún asé.




3

Ebbere foóilar cúrut, Allah ye honó kessú nobanáibar age, Allah baade ar honó kessú nuaccíl. Hono manúic, zaga yáto sis nuaccíl. Honó foór nuaccíl edde honó ańdár nuaccíl. Usol niso, aijjá háilla kessú nuaccíl. Héńtte siríf Allah accíl, zibáttu honó cúru náí. Tarfore Allah ye toiyarir cúru goijjé. Foóilar cúrut, Allah ye asfan edde zobin banaiyé.




4

Héńtte duniyái súrot sará edde háli accíl. Duniyái andár lói guijja accíl. Ar Allahr ruú fanír uore sola fíra goittó. Baade Allah ye hoódde, "Foór ók".




5

Toi héçe foór oiyé. Allah ye foór oré din edde ańdár oré ráit hói dháikke. He din háńzinna edde beéinna accíl foóilar cúrur din.



6

Dui lombóror din, Allah ye asfanor nisor faní, doriya, hál ekkán baade ekkán toiyair goijjé. Tin lombóror din, Allah ye hoódde, "Duniyáit fúana zaga daházok." Tói héndila óiye.



7

Allah ye kér, fúl, zooñl edde gás ókkol dahá zaibólla hókum diíl. Ar hé din házinna edde beéinna accíl tin lombóror din.




8

Baade Allah ye beil, san, ar kiyé goni nofaré de héndila tara ókkol banaiyé. Hé din házinna edde beínna accíl sair lombóror din.



9


Fańs lombóror din, Allah ye dhoónr cóngo mas, faik ókkol banaiyé. Allah ye hárr dhoilla mas banaiyé zeéne zobinor faní bóribolla, ar hárr dhoilla faik banaiye zeéne tará kulor uore edde asfanor uore kúci gorí faré. Hé din házinna edde beínna accíl fańs lombóror din.



10

Yárbaade, Allah ye abár hoódde, "Zobinot ziańta jandár ókkol ók." Baade hárr dhóilla januar edde fuk ókkol ói aiccé. Héçe dhoóńr áńti, bezi, bańdor, kuńúir, kessúa, surhaça, hóssor, bilai edde hárr dhoilla januar ókkol Allah ye hédin banaiyé.

Hé din házinna edde beínna accíl só lombóror din.




11

Allah ye só dinot oinno kessú goijjé - kessú hoilé kessú beci háas. Manúic ólla hárr kessú toiyair oiyé. Tar hékmot ólla zobinot januar ar hána accíl. Allah ye hoódde, "Ańára Ańárar súrot lói manúic banai, te duniyait asé de hárr sis or uore rajtri gorók." Tói Allah ye Nizor súrot lói manúic banaiyé.



12

Allah ye Adom oré hoódde, "Tottú ziń háito monéhoó híin bagan ottú hác. Montor gom edde hóraf or baabute buddí dede gas or gulá naháic. Zodi háile hámaha tui moriza bigói."



13

Baade Allah ye hoódde, "Manúic gaga ón gom noó. Ańńi tallá eggúa modot goróya banaiyúm." Allah ye hárr faik focú edde januar ókkol Adom or hańsé ainné, baade Adome tará beggúnor nam diyé. Te beci sálak óitofare. Lekin faik focú edde januar or bútoore Adom ólla modot goróya nuaccíl.



14

Allah ye Adom oré mur gúmot félaiye.
Baade tar céthtana ttú ekkán áñddhi loi eggúa
maiya fua banaiyé. Allah ye banaiyé de maiya fua
Adom oré modot gorí bolla
borabor óiye.



15

Allah ye hárr kessú só din or búto
re banaiyé. Toi Allah ye háñt lombóror
din oré mubarek banáil edde ziraibár
din banáil. Edén bagánot Adom edde
Háwa kúci gorí Allah re maintó.
Allah tarár Malik, Modot
Goróya ar Dustó accíl.



16

Zeñtté Allah ye hárr sis banaiyé

Allahr Kalam ottú ekkán kaháni, Pak Kitab,

loót fade

Foidayec 1-2

"Tuáñr Kalam gólaye foór diyat táke."
Zobur 119:130

17

Fúraiye



18

E Pak Kitab or kaháni ye añárar taijjuppa Allahr baabute cíkaibo,
zibá ye añárare banaiyé edde zibá ye saádde tuñí Íba re sinó.

Allah ye zané añára hóraf ham goijjí, zín oré Íba ye guná hoó.
Gunár cánza óilde moron, kintuk Allah ye tuañre beci muhábbot
goré de hétolla, Íba ye Íbar ek siríf Fuá Isá re defezáiye, zeéne
kúrucot foran de, edde tuáñr zoriya cánza fa. Baade Isá zinda
óiyore Íbar ghór ziyán bíyosto híyanot giyói. Zodi tuñí Isá uore
iman añní, tuañr gunár maf maiggo de óile, tóoile Íba ye tuañre
maf gorí dibó. Íba éhon tuañr héce aibó edde fúañti
tákibo, ar tuñí Íbar fúañti zindigibór tákiba.

Zodi tuñí yían sóiyi de biccác goró, tóoile Allah re yían hoó:
O adoijjá Isá, aññí biccác gorí de, Tuñí Allah, ar insán boni
duniyait aái añár gunálla foran diyó, edde Tuñí abár zinda óiyo.
Meérbani gorí añár zindigit aiyo edde añár gunáre maf goró,
zeéne ehón aññí noiya zindigi fai, ar ek din bíyostot zai Tuáñr
fúañti hámica tákifari. Añáre modot goró, zeéne aññí
tuañre mani edde Tuáñr fua boni tákifari. Amin

Fottí din Pak Kitab foró edde Allahr loi hotá hoó. Yuhúna 3:16

19